

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

Foru Gobernu Kontseilaren 202/2021 Erabakia, apirilaren 13koa. Ezestea 2020-2021 ekitaldirako jasangarritasun energetikoko laguntza lerroari buruz Urkabustaizko Udalak egindako aurretiatzko errekerimendua

Foru Gobernu Kontseiluaren martxoaren 3ko 139/2020 Erabakiaren bidez, onetsi zen energia jasangarritasuneko ekintzak sustatzeko laguntza lerroaren 2020-2021erako deialdia (2020ko martxoaren 13ko —ostirala— ALHAO, 30. zk.).

Urkabustaizko Udalak laguntza eskaera aurkeztu zuen Urkabustaizen klimaren eta energia jasangarriaren aldeko plan bat egiteko proiekturako, 2020ko ekainaren 30eko 10:02an, Arabako Foru Aldundiaren Erregistro Elektronikoko Komunaren bitartez (erregistro zenbakia: 202090000026351); eskaera hori 2020ko uztailaren 2ko 12:38an sartu zen Ingurumeneko Erregistro Orokorrean. Aurkeztutako aurrekontua 18.137,90 euro izan zen, 2020an (ehuneko 48) eta 2021ean (ehuneko 52) gauzatzekoa, eta horretarako 12.000,00 euroko dirulaguntza eskatu zuen.

Foru Gobernu Kontseiluaren urriaren 13ko 475/2020 Erabakiaren bidez, onespina eman zitzaion 2020-2021erako energia jasangarritasuneko ekintzak sustatzeko dirulaguntza lerroaren esleipenari; hartan, ezetsi egin zen errekerimendu-egileak aurkeztutako dirulaguntza eskaera, ez zuelako eskaera aurkeztu Arabako Foru Aldundiaren egoitza elektronikokoan ezarritako prozeduraren bidez ("Eskaera ez du egoitza elektronikokoaren bidez aurkeztu").

Aurreko puntuan adierazitako erabakiaren aurka, Urkabustaizko Udalak administrazioarekiko auzietako jurisdikzio bidearen aurreko errekerimendua aurkeztu zuen, zeina 2020ko azaroaren 27an sartu baitzen AFaren Erregistro Elektronikoko Komunean, eta bertan eskatu zuen balio gabetu zedila Foru Gobernu Kontseiluaren martxoaren 3ko 475/2020 Erabakia, Administrazio Publikoaren Administrazio Prozedura Erkidearen urriaren 1eko 39/2015 Legeak 47.1 a) eta/edo e) artikuluan edo, hala badagokio, 48.1 artikuluan xedatutakoaren arabera, azaldutakoari jarraituz, eta jarduketak prozeduraren une egokira eraman zitezela.

2021eko martxoaren 3an, Ingurumen Jasangarritasunaren Zerbitzuak txosten bat egin zuen, eta han zehaztu ziren honako hauek, errekerimendua egin duenak aurkeztutako dirulaguntza eskaerari buruzkoak: a) AFaren Erregistro Elektronikoko Komunean noiz sartu zen; b) Ingurumeneko Erregistro Orokorrean noiz sartu zen.

Martxoaren 4an, Ingurumen eta Hirigintzako Idazkaritza Teknikoko Zerbitzuak txosten juridiko bat eman zuen (txosten horretan oinarritzen da, aipamena eginez, ebazpen honen ondorioa), zeinean ondorioztatu baitzen interesdunari errekerimendua egiteko betebeharrak desagertu egiten dela baldin eskaera hura aurkezteko epeaz kanpo iristen bada materialki administrazio organo eskudunera, ordurako organo horrek ezingo bailioke juridikoki eskatu interesdunari eskaera ezarritako bitartekoaren bidez aurkezteko, aurkezpen hori egiteko epea lehenagotik iraungita egongo litzatekeelako; eta hori ondorioztatzen da, aztergai diren manuen aplikazio eta interpretazio bateratu eta teleologikoa abiapuntutzat hartuta [energia jasangarritasunerako ekintzak bultzatzeko laguntza lerroaren 2020-2021erako deialdia onesten duen Foru Gobernu Kontseiluaren martxoaren 13ko 139/2020 Erabakiaren xedapen zatiko bosgarren, seigarren eta bederatzigarren apartatuak (ALHAO, 30. zk., 2020ko martxoaren 13koa, ostirala); Dirulaguntzen azaroaren 17ko 38/2003 Lege Orokorren 1. eta 5. apartatuak (BOE, 276. zk., 2003/11/18koa); Administrazio Publikoaren Administrazio Prozedura Erkidearen urriaren 1eko 39/2015 Legearen 16.8 eta 68. artikulua eta azken xedapenetatik laugarrena; Eusko Jaurlaritzako Gobernantza

Publiko eta Autogobernu Saileko Araubide Juridikoaren Sailburuordetzak egindako txosten hauek: "Opini3n legal en relacion a la aplicaci3n del art3culo 68.4 de la Ley 39/2015, de 1 de octubre, del Procedimiento Administrativo Com3n de las Administraciones P3blicas" (76/2017 LGAKZ-LI) eta "Solicitud de aclaracion sobre la opinion legal (76/2017 LGAKZ-LI) en relacion a la aplicaci3n del art3culo 68.4 de la Ley 39/2015, de 1 de octubre, del Procedimiento Administrativo Com3n de las Administraciones Publicas" (114/2019 LGAKZ-LI); eta Galiziako Justizia Auzitegi Nagusiko administrazioarekiko auzien salako 2. atalak emandako urriaren 8ko 486/2019 Epaiaren zuzenbideko bigarren oinarrian jasotako doktrina (JEO: 5399/2019 GAL JANE - ECLI: ES: GALJAN: 2019:5399 – CENDOJeko id.: 15030330022019100486); errepikatu egiten da 2019ko irailaren 20ko Epaia, sala eta atal berberak emana, gai beraren inguruan (4530/2017 zenbakiko prozedura arrunta).

Horrenbestez, kontuan izanik dirulaguntza eskaerak aurkezteko azken eguna 2020ko uztailaren 1a izan zela eta Urkabustaizko Udalaren eskaera 2020ko uztailaren 2an sartu zela Ingurumeneko Erregistro Orokorrean, eskaerak aurkezteko gehieneko epea amaitu ondoren, eta ezin zenez zuzentzeko errekerimendurik egin epe hori amaituta zegoelako, ezetsi egin behar da aurkeztutako erreklamazioa.

Horregatik, Ingurumen eta Hirigintza Saileko foru diputatuak proposatuta eta Foru Gobernu Kontseiluak gaur bertan egindako bilkuran gaia aztertu ondoren, hauxe

ERABAKITZEN DUT

Bakarra. Ezestea Urkabustaizko Udalak Foru Gobernu Kontseiluaren urriaren 13ko 475/2020 Erabakiaren aurka egindako aurretiazko errekerimendua. Erabaki horren bidez, energia jasangarritasuneko ekintzak sustatzeko 2020-2021erako laguntza lerro bat ematea onetsi zen.

Ebazpen honek Administrazioarekiko Auzien Jurisdikzioa arautzen duen uztailaren 13ko 29/1998 Legeak 44. artikuluan jasotako eskatutako aurretiazko errekerimendua ebazten du, eta beronen aurka administrazioarekiko auzi errekurtsua aurkeztu ahal izango da Gasteizko administrazioarekiko auzien epaitegietan, bi hilabeteko epean, jakinarazpena jaso eta hurrengo egunetik aurrera. Nolanahi ere, egokitzat jotzen den beste edozein egintza edo errekurtsu ere aurkeztu ahal izango da.

Gasteiz, 2021eko apirilaren 13a

Diputatu nagusia

RAMIRO GONZÁLEZ VICENTE;

Ingurumen eta Hirigintza Saileko foru diputatua

JOSEAN GALERA CARRILLO;

Ingurumen eta Hirigintza zuzendaria

NATIVIDAD L3PEZ DE MUNAIN ALZOLA